



AMHT

Agencija za nadzor nad tržištem BiH
Агенција за надзор над тржиштем БиХ
Market Surveillance Agency of B&H



BILTEN

O NESIGURNIM PROIZVODIMA
NA TRŽIŠTU
BOSNE I HERCEGOVINE

- Nesigurni proizvodi
- Savjeti za potrošače

Godina XI, broj 11, maj 2024. godine

SADRŽAJ

Predgovor	3
Proaktivni nadzor nad tržištem u 2023. godini	4
Koturaljke (roleri)	5
Zatvorene ekspanzione posude sa membranom	6
Ručni električni trimeri za travu	7
Električne pegle	8
Svjetlosni lanci	9
Električne tave i pekači	10
Zaštitne rukavice za mehaničke rizike	11
Elementi za zidanje od gline	12
Keramičke pločice	13
Obrazac za prigovor potrošača	14
Rezultati nadzora nad tržištem u 2023. godini	15
Proizvodi s ozbiljnim rizikom za potrošače	17

IMPRESUM

Osnivač i izdavač

Agencija za nadzor nad tržištem
Bosne i Hercegovine

Za izdavača

Direktor

Pejo Đurašinović, dipl. ing. tehn.

Glavni i odgovorni urednik

Mladen Batković, dipl. ing. maš.

Članovi redakcije

mr.sc. Samir Bekto, dipl. ing. maš.

Mičo Drljo, mr. dipl. ing. maš.

Lidija Lovrić, dipl. ing. hem.

Danka Krajišnik, prof. eng. jezika

Gordana Krsmanović Kusmuk, dipl. oec.,
LL.M. Eur. Int.

Edin Čerimagić, dipl. ing. građ.

Dizajn

Agencija za nadzor nad tržištem
Bosne i Hercegovine

Tiraž

100 primjeraka

Bilten je moguće preuzeti u elektronskom
obliku na internet stranici Agencije
www.annt.gov.ba

Bilten izlazi jednom godišnje

Prilikom preuzimanja podataka iz ovog
izdanja, obavezno navedite izvor!

PREDGOVOR

Poštovani potrošači,

Dobrodošli u XI izdanje Biltena o nesigurnim proizvodima na tržištu Bosne i Hercegovine, koji objavljuje Agencija za nadzor nad tržištem Bosne i Hercegovine.

U vrijeme kada je potrošačka industrija u neprekidnom porastu, važno je istaći značaj sigurnosti proizvoda koje svakodnevno koristimo. Cilj ovog Biltena je da se osnaži svijest javnosti o potencijalnim opasnostima koje nesigurni proizvodi mogu predstavljati po zdravlje i sigurnost potrošača, kao i da se promoviše transparentnost i odgovornost kod poslovnih subjekata koji stavljaju proizvode na tržište.

Bosna i Hercegovina, kao zemlja koja se nalazi u procesu evropskih integracija, suočava se sa brojnim izazovima u kontroli sigurnosti proizvoda na tržištu. Iako potrošači s pravom očekuju da proizvodi koje kupuju ispunjavaju osnovne standarde sigurnosti, često se dešava da na tržište dospiju proizvodi koji ne zadovoljavaju te standarde i predstavljaju rizik za potrošače.

U Biltenu, predstavljamo spektar proizvoda koji su u 2023. godini identifikovani kao nesigurni na tržištu Bosne i Hercegovine. Od elektronskih uređaja do dječijih igračaka, istražujemo neprehrambene potrošačke proizvode i upozoravamo potrošače na potencijalne rizike.

Pored toga što informišemo potrošače o potencijalnim rizicima, kroz Bilten dajemo savjete o tome kako prepoznati nesigurne proizvode i kako postupiti u slučaju sumnje ili problema. Edukacija je ključna u borbi protiv nesigurnih proizvoda, stoga nastojimo da osnažimo potrošače da budu informisani i proaktivni u zaštiti svojih interesa.

Kroz istraživanje, analizu i edukaciju, zalažemo se za stvaranje sigurnijeg okruženja za potrošače u Bosni i Hercegovini.

Hvala vam što čitate Bilten posvećen nesigurnim proizvodima na tržištu Bosne i Hercegovine.

Budite informisani, budite sigurni!

S poštovanjem,

Redakcija

PROAKTIVNI NADZOR NAD TRŽIŠTEM U 2023. GODINI

Kako bi se utvrdilo da li određene grupe proizvoda, koje se stavljaju na tržište Bosne i Hercegovine, ispunjavaju sigurnosne zahtjeve iz propisa koji su na snazi u Bosni i Hercegovini, Agencija za nadzor nad tržištem Bosne i Hercegovine je u saradnji sa inspektoratima entiteta i Brčko distrikta Bosne i Hercegovine, u 2023. godini realizovala proaktivni nadzor 20 grupa neprehrambenih potrošačkih proizvoda u skladu sa Godišnjim planom nadzora nad tržištem za 2023. godinu.

Grupa proizvoda	Pravni osnov
1. Roštilji na čvrsta goriva 2. Igračke (pištolji sa mecima) 3. Bazeni za djecu (dubine ≤ 400 mm) 4. Bicikli za djecu 5. Skejtbordi 6. Koturaljke (roleri)	Zakon o općoj sigurnosti proizvoda („Službeni glasnik BiH”, broj 102/09)
7. Igračke (ftalati)	Odluka o ograničavanju stavljanja na tržište igračaka i proizvoda za djecu koji sadrže ftalate („Službeni glasnik BiH”, broj 04/10)
8. Zatvorene ekspanzione posude sa membranom	Naredba o opremi pod pritiskom („Službeni glasnik BiH”, broj 52/11)
9. Produžni kablovi 10. Električne tave i pekači 11. Električne pegle 12. Ventilatorske grijalice 13. Električni rešoi	Naredba o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09)
15. Ručni električni trimeri za travu 16. Ručne električne kružne pile	Naredba o sigurnosti mašina („Službeni glasnik BiH”, broj 04/10)
17. Reflektujući prsluci 18. Zaštitne rukavice za mehaničke rizike	Naredba o ličnoj zaštitnoj opremi („Službeni glasnik BiH”, broj 75/10)
19. Elementi za zidanje od gline 20. Keramičke pločice	Zakon o građevinskim proizvodima u FBiH („Službene novine FBiH”, broj 78/09) Zakon o građevinskim proizvodima u RS („Službeni glasnik RS”, broj 5/12)

KOTURALJKE (ROLERI)

SAVJETI PRILIKOM KUPOVINE

Prilikom kupovine koturaljki (roleri) savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

- oznaka standarda BAS EN 13843:2012,
- naziv, trgovačka marka proizvođača ili drugi način identifikacije proizvođača ili maloprodaje,
- podaci o modelu,
- informacije o maksimalnoj težini korisnika ili oznaka klase koturaljki (A ili B). Ako maksimalna težina korisnika nije navedena na koturaljkama, ista mora biti navedena na pakovanju.

➤ **Da li je uputstvo za upotrebu priloženo uz proizvod?**

Informacije o konstrukciji koturaljki, uputstva za upotrebu, uputstva za održavanje i servisiranje moraju biti priloženi uz svaki par koturaljki i moraju biti napisani na jednom od službenih jezika u Bosni i Hercegovini.

Informacije o konstrukciji koturaljki moraju sadržavati sljedeće:

- napomenu da nije dopušteno vršiti nikakve izmjene koje mogu ugroziti sigurnost,
- napomenu da koturaljke ne sadrže kočnice na prednjem i/ili zadnjem dijelu, ako je primjenjivo,
- napomenu da se vodi računa o samoosiguravajućim navrtkama i drugim samoosiguravajućim spojevima kako ne bi izgubili svoju funkciju.

Uputstva za upotrebu moraju sadržavati informacije koje se odnose na ograničenja o upotrebi koturaljki prema važećim propisima o sigurnosti saobraćaja, informacije o tome da sve komponente moraju biti čvrsto pričvršćene, upozorenje da korisnik mora uvijek nositi zaštitnu opremu kao i opis tehnika za pravilnu upotrebu koturaljki i kočenje. Uputstva za održavanje i servisiranje moraju sadržavati informacije o podmazivanju ležajeva, zamjeni točkića i dijelova kočnica, te uputstva za redovne provjere koturaljki.

Informacije o klasi koturaljke (klasa A ili B) trebaju biti navedene na koturaljkama.

➤ **Da li proizvod ima vidljivih sigurnosnih nedostataka (neusklađenosti)?**

Prilikom kupovine koturaljki možete provjeriti sljedeće:

- Svi istureni dijelovi i rubovi koji mogu doći u kontakt sa tijelom korisnika moraju biti zaobljeni i glatki;
- Kopče na cipelama koturaljki moraju biti čvrsto pričvršćene kako bi se izbjeglo slučajno otkopčavanje;
- Točkići moraju biti napravljeni od protukliznog materijala;
- Rastojanje između kočnice, na prednjem i/ili zadnjem dijelu koturaljki, i tla mora biti najmanje 7 mm ali ne veće od 17 mm.



Koturaljke (roleri) imaju sve točkiće postavljene u liniji. Koturaljke se dijele u dvije klase. Klasa A: koturaljke za korisnike težine od 20 do 100 kg. Klasa B: koturaljke za korisnike težine od 20 do 60 kg i dužinom stopala do 260 mm. Koturaljke se smatraju sigurnim ukoliko ispunjavaju sigurnosne zahtjeve propisane u standardu BAS EN 13843:2012 (EN 13843:2009, identičan)

Ukoliko potrošači primijete da koturaljke (roleri) koje su kupili imaju sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

ZATVORENE EKSPANZIONE POSUDE SA MEMBRANOM

SAVJETI PRILIKOM KUPOVINE

Zatvorene ekspanzione posude sa membranom su posude koja imaju ulogu da preuzmu varijacije zapremine tečnosti usljed promjene pritiska i temperature. Koriste se u sistemima grijanja i u sistemima za snabdijevanje svježom vodom.

Prilikom kupovine zatvorenih ekspanzionih posuda sa membranom savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

- znak usklađenosti u veličini i obliku propisanom u Aneksu IV (IVa) Naredbe o opremi pod pritiskom,
- naziv i adresa proizvođača ili ovlaštenog zastupnika,
- godina proizvodnje,
- serijski broj ili broj partije,
- najveći dozvoljeni pritisak PS,
- zapremina posude V,
- najveća/najmanja dozvoljena radna temperatura TS,
- ispitni pritisak PT.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaku ekspanzionu posudu i mora biti napisano na jednom od jezika koji su u službenoj upotrebi u Bosni i Hercegovini.

Svi podaci, osim identifikacije serije, koji se nalaze na ekspanzionoj posudi moraju biti naznačeni i u uputstvu za upotrebu. Uputstvo za upotrebu mora da sadrži sve potrebne sigurnosne informacije u vezi sa:

- montažom,
- stavljanjem u upotrebu,
- korištenjem,
- održavanjem.

➤ **Da li proizvod ima vidljivih sigurnosnih nedostataka (neusklađenosti)?**

Prilikom kupovine zatvorenih ekspanzionih posuda sa membranom možete provjeriti sljedeće:

- Na metalnim dijelovima ekspanzione posude koji za vrijeme normalnog rada dolaze u kontakt sa svježom vodom ne smije biti tragova korozije. Oni moraju biti izrađeni od materijala otpornih na koroziju ili adekvatno zaštićeni od korozije;
- Posude izrađene od ugljeničnog čelika moraju biti zaštićene od korozije koju izaziva okolina;
- Posude sa izmjenjivom membranom moraju imati otvor koji služi za zamjenu membrane i za potrebe unutrašnjeg pregleda.



Ukoliko potrošači primijete da zatvorena ekspanziona posuda sa membranom koju su kupili ima sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

RUČNI ELEKTRIČNI TRIMERI ZA TRAVU

SAVJETI PRILIKOM KUPOVINE

Prilikom kupovine ručnog električnog trimera za travu savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije / upozorenja?**

Svaka mašina mora biti označena jasno i neizbrisivo sa minimalno:

- znakom usklađenosti,
- nazivom (zaštitnim znakom) i adresom proizvođača,
- oznakom modela, serije ili tipa proizvoda,
- godinom proizvodnje,
- serijskim brojem,
- nazivnim naponom ili rasponom napona u voltima (V),
- simbolom prirode napona (~ ili a.c.) ili nazivnom frekvencijom (Hz),
- nazivnom snagom u vatima (W) ili nazivnom strujom u amperima (A),
- oznakom klase II konstrukcije (samo za trimere klase II),
- oznakom IP broja stepena zaštite od prodora vlage.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaki proizvod i napisano na jednom od jezika koji su u službenoj upotrebi u Bosni i Hercegovini i treba da sadrži upute za sigurno stavljanje u pogon, korištenje, rukovanje, sastavljanje i rastavljanje, podešavanje i održavanje kao i predviđenu upotrebu mašine.

➤ **Da li proizvod ima vidljivih sigurnosnih nedostataka (neusklađenosti)?**

Ručni električni trimer za travu treba biti tako zatvoren da se omogući odgovarajuća zaštita od slučajnog kontakta sa dijelovima pod naponom, a izvlačenje, uvlačenje ili uvrtnje kabla ne smije biti moguće.

Dostupni dijelovi ne smiju imati oštre ivice, neravnine ili vrhove da bi mogli izazvati povrede.



Ručni električni trimer za travu mora imati štitnike rezne niti na strani korisnika. Štitnik mora da bude neoštećen i pričvršćen čvrsto ili osiguran sa vijcima, navrtkama ili kopčama kako bi se spriječilo odvajanje bez upotrebe alata.

Ručni električni trimer za travu mora imati najmanje jednu ručku. Za mašine čija je masa veća od 3,5 kg moraju postojati dvije ručke. Ručni električni trimeri za travu sa masom većom od 6 kg moraju imati dodatno i najmanje jedan rameni remen. Ako mašina ima masu veću od 7,5 kg mora imati dvostruke ramene remenove.

Ručni električni trimer za travu je alat kod koga rezni element rotira oko ose okomite na tlo i koji se koristi u vrtu za rezanje trave, kao dopuna ili zamjena za kosilice za travu. Najčešće povrede od trimera za travu, pored nepažljivog rukovanja, nastaju usljed strujnog udara i mehaničkih vrsta povreda na rukama, prstima, očima i licu.

UPOZORENJA:

„Čitaj uputstvo za upotrebu“
„Čuvaj posmatrača da budu udaljeni“

„Koristi zaštitu za sluh/uši“
„Izvuci utikač iz napajanja ako je kabal oštećen ili upetljan“

„Ne izlagati kiši“

„Koristi zaštitu za oči“ ako trimer za travu nema štitnike sa 360° zaštite .



Ukoliko potrošači primijete da ručni električni trimer za travu koji su kupili ima sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

SAVJETI PRILIKOM KUPOVINE

Električna pegla je namijenjena za peglanje odjeće. Njen glavni dio je grijna ploča, koja se zagrijava pomoću grijača. Najčešće opasnosti kojima su izloženi korisnici pegli su strujni udar i požar.

Prilikom kupovine električnih pegli savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

- znak usklađenosti,
- oznaka modela ili tipa,
- naziv proizvođača ili oznaka robne marke,
- vrijednost naznačenog napona ili raspona napona u voltima (V),
- vrijednost snage u vatima (W) ili vrijednost naznačene struje u amperima (A),
- oznaka prirode napona (~) ili frekvencije u hertzima (Hz),
- oznaka klase zaštite.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaku peglu i mora biti napisano na jednom od službenih jezika u Bosni i Hercegovini.

Uputstvo treba da sadrži sve informacije potrebne za sigurno korištenje i održavanje pegle.

➤ **Da li proizvod ima vidljivih sigurnosnih nedostataka (neusklađenosti)?**

Prilikom kupovine električnih pegli potrebno je obratiti pažnju na sljedeće:

- Na pegli ne smiju biti vidljiva fizička oštećenja;
- Ne smiju postojati dijelovi koji se mogu skinuti bez alata, a čijim skidanjem postaju dostupni dijelovi pod naponom, odnosno žice ili različiti žičani spojevi;
- Pegla treba da je dizajnirana tako da se može ostaviti na stabilnu površinu, pri čemu se ne može sama prevrnuti. Za ovu svrhu neke pegle imaju tzv. petu, međutim postoje i pegle sa namjenski dizajniranim postoljem koje omogućava postavljanje u stabilan položaj;
- Na mjestima gdje se ostvaruju veze kabl-pegla i utikač-kabl treba da postoje odgovarajuća učvršćenja (tzv. "sidro") koja onemogućavaju izvlačenje, ugaravanje ili uvrtanje kabla.



Ukoliko potrošači primijete da električna pegla koju su kupili ima sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

SAVJETI PRILIKOM KUPOVINE

Prilikom kupovine svjetlosnih lanaca (novogodišnjih ukrasnih lampica) savjetujemo potrošače da obrate pažnju na sljedeće:


➤ **Da li se na proizvodu nalaze obavezne oznake / informacije?**

- znak usklađenosti,
- oznaka modela ili tipa,
- naziv proizvođača ili oznaka robne marke,
- vrijednost naznačenog napona ili raspona napona u voltima (V),
- vrijednost snage u vatima (W),
- oznaka klase zaštite.

Svjetlosni lanci se uglavnom koriste tokom novogodišnjih praznika. Za korisnika mogu da predstavljaju opasnost od požara i strujnog udara. Posebno ugrožena kategorija su djeca jer im ovaj proizvod može biti interesantan.

➤ **Da li su upozorenja jasno napisana?**

Ukoliko su na svjetlosnom lancu ili njegovom pakovanju navedena bilo kakva sigurnosna upozorenja ona moraju biti napisana na jednom od jezika koji su u službenoj upotrebi u Bosni i Hercegovini. Značajna upozorenja na koja potrošači prilikom kupovine treba da obrate pažnju su:

- ukoliko se sijalice u svjetlosnom lancu ne mogu mijenjati to treba biti jasno navedeno na pakovanju,
- na pakovanju treba da se nalazi upozorenje da svjetlosni lanac ne smije da se priključuje na izvor napona dok se nalazi u pakovanju, osim u slučajevima kada je pakovanje namijenjeno za prikazivanje,
- ukoliko svjetlosni lanac sadrži nestandardne sijalice, na pakovanju treba biti navedena informacija o vrsti i tipu zamjenske sijalice,
- ako svjetlosni lanac nije predviđen za vanjsku upotrebu to treba da bude naznačeno na jedan od sljedećih načina: upozorenjem "Nije za vanjsku upotrebu" ili stavljanjem oznake 

➤ **Da li proizvod ima vidljivih sigurnosnih nedostataka (neusklađenosti)?**

Prilikom kupovine svjetlosnih lanaca potrebno je obratiti pažnju na sljedeće:

- Na svjetlosnom lancu ne smiju biti vidljiva fizička oštećenja;
- Na mjestima gdje se ostvaruju veze kabla sa utikačem, sijalicama, prekidačem ili upravljačkom jedinicom za podešavanje vremenskih sekvenci paljenja sijalica treba da postoje odgovarajuća učvršćenja koja onemogućavaju izvlačenje, ugaravanje ili uvrtanje kabla;
- Dužina napojnog kabla od utikača do prve sijalice ne smije biti manja od 1,5 m.



Ukoliko potrošači primijete da svjetlosni lanac koji su kupili ima sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

ELEKTRIČNE TAVE I PEKAČI

SAVJETI PRILIKOM KUPOVINE

Električne tave i pekači služe za termičku obradu hrane (kuhanje, prženje, pečenje) u domaćinstvima. Najčešći rizici kojima su izloženi korisnici ovih proizvoda su strujni udar, požar i opekotine

Prilikom kupovine električnih tava i pekača savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

- oznaka proizvođača ili njegove robne marke,
- znak usklađenosti u veličini i obliku propisanom u Aneksu III Naredbe o električnoj opremi namijenjenoj za upotrebu unutar određenih naponskih granica,
- vrijednost naznačenog napona ili raspona napona u voltima (V),
- vrijednost snage uređaja (W),
- oznaka prirode napona (~) ili frekvencije uređaja (Hz),
- oznaka klase zaštite (ukoliko je različita od klase I).

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz proizvod i napisano na jednom od jezika koji su u službenoj upotrebi u Bosni i Hercegovini. Uputstvo mora sadržavati sve detalje potrebne za sigurnu instalaciju, korištenje i održavanje proizvoda.

Uputstvo za upotrebu električnih tava i pekača mora u sebi da sadrži najmanje sljedeće elemente koji suštinom zadovoljavaju sljedeće izjave:

- *Prije čišćenja uređaja odvojite napojni kabal od uređaja preko igličnog priključka. Ne priključujte kabal na uređaj prije nego ga prethodno dobro osušite;*
- *Uređaj koristite samo sa njegovim originalnim napojnim kablom;*
- Uputstvo za upotrebu mora sadržavati podatke o čišćenju uređaja, a posebno dijelova uređaja koji dolaze u kontakt sa hranom i uljem.

➤ **Da li proizvod ima vidljivih sigurnosnih nedostataka (neusklađenosti)?**

Prilikom kupovine električnih tava i pekača možete provjeriti sljedeće:

- Utikač i iglični priključak moraju biti tako konstruisani da ostvaruju čvrstu vezu sa utičnicama. Termostat na igličnom priključku mora ispravno obavljati svoju funkciju. Proizvod mora biti konstruisan tako da može funkcionisati samo kad je priključen na originalni napojni kabal;
- Na uređaju ne smiju biti dostupni dijelovi pod naponom. Također, na uređaju ne smije biti ni dijelova koji se mogu ukloniti bez upotrebe alata, a čijim uklanjanjem postaju dostupni dijelovi pod naponom;
- Spojevi između napojnog kabla i utikača, napojnog kabla i igličnog priključka te igličnog priključka i uređaja moraju biti odgovarajuće učvršćeni (tzv. "sidro");
- Uređaj mora imati odgovarajuću mehaničku čvrstoću i stabilnost.



Ukoliko potrošači primijete da električna tava ili pekač koje su kupili imaju sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

ZAŠTITNE RUKAVICE ZA MEHANIČKE RIZIKE

SAVJETI PRILIKOM KUPOVINE

Prilikom kupovine zaštitnih rukavica za mehaničke rizike savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

- znak usklađenosti,
 - naziv, trgovački znak ili drugi način za identifikaciju proizvođača ili njegovog ovlaštenog zastupnika,
 - oznaka modela zaštitne rukavice (komercijalno ime ili kod koji dozvoljava korisniku jasnu identifikaciju proizvoda),
 - veličina zaštitne rukavice,
 - piktogram koji je u skladu sa primijenjenim standardom BAS EN 388+A1:2019. Uz piktogram mora biti navedena oznaka primijenjenog standarda (BAS EN 388) i nivoi zaštite (npr. 3 4 4 3 E P, 3 X 0 3 E, 3 2 0 3 X ...),
 - datum proizvodnje i to najmanje mjesec i godina (npr. 2021/11),
 - rok upotrebe, minimalno mjesec i godina (npr. 2026/11), ako je primjenjivo.
- Navedene oznake trebaju biti i na pakovanju proizvoda.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaki par zaštitnih rukavica za mehaničke rizike i mora biti napisano na jednom od jezika koji su u službenoj upotrebi u Bosni i Hercegovini. Odredbom tačke 1.4. Aneksa II Naredbe o ličnoj zaštitnoj opremi i 7.3. standarda BAS EN ISO 21420 propisano je da uputstvo koje sastavlja proizvođač i isporučuje uz ličnu zaštitu opremu treba sadržavati:

- naziv i punu adresu proizvođača ili njegovog ovlaštenog zastupnika,
- oznaku modela zaštitne rukavice,
- informaciju o dostupnosti veličina,
- predviđenu upotrebu zaštitnih rukavica i oznaku primijenjenog standarda sa godinom objave,
- piktogram sa nivoom zaštite i datumom proizvodnje,
- upozorenje ako je zaštita ograničena na dio šake,
- ograničenja upotrebe,
- način skladištenja ako isto utiče na karakteristike proizvoda,
- rok upotrebe,
- upozorenje da zaštitne rukavice od prirodne gume mogu izazvati alergijsku reakciju,
- instrukcije za ispravno oblačenje, skidanje, podešavanje, održavanje komfora i higijene šaka,
- instrukcije za provjeru integriteta zaštitnih rukavica prije upotrebe,
- instrukcije za skladištenje,
- čišćenje,
- načine ispitivanja zaštitnih rukavica,
- korištenje zaštitnih rukavica sa drugom opremom,
- transportno pakovanje.



Zaštitne rukavice namijenjene su za zaštitu šaka ili dijela šaka korisnika na način da smanjuju rizik od povreda. Prema Naredbi o ličnoj zaštitnoj opremi zaštitne rukavice su razvrstane u tri kategorije (I, II i III) s obzirom na rizike od kojih pružaju zaštitu.



Ukoliko potrošači primijete da zaštitne rukavice za mehaničke rizike koje su kupili imaju sigurnosne nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

SAVJETI PRILIKOM KUPOVINE

Cigla ili opeka je zidni građevinski materijal koji se dobija oblikovanjem, sušenjem i pečenjem plastične smjese glinenog materijala, pijeska i vode. Glineni ili opekarski blokovi se koriste za zidanje nosivih, vanjskih i pregradnih zidova i spadaju u tradicionalne materijale.

Proizvođači, ovlaštteni zastupnici i uvoznici koji na tržište Bosne i Hercegovine stavljaju elemente za zidanje od gline, moraju osigurati da uz proizvode budu priloženi dokumenti o usklađenosti, da proizvodi budu propisno označeni i da uz proizvode budu priložena tehnička uputstva. Prilikom kupovine ovih proizvoda savjetujemo potrošače da obrate pažnju na sljedeće:

➤ **Da li su uz proizvod priloženi dokumenti o usklađenosti?**

Uz proizvod mora biti priložena izjava o usklađenosti.

➤ **Da li su proizvodi propisno označeni?**

Elementi za zidanje od gline moraju biti označeni oznakom usklađenosti koja sadrži sljedeće:

- znak „E“ u Federaciji Bosne i Hercegovine i bez oznake ili znak „CE“ u Republici Srpskoj,
- ime proizvođača,
- sjedište proizvođača,

- zadnja dva broja godine u kojoj je oznaka stavljena na proizvod,
- evidencijski broj ovlaštenog pravnog lica/tijela za ocjenu usklađenosti (relevantno samo za sistem ocjenjivanja 2⁺),
- oznaka standarda BAS EN 771-1+A1:2016,
- naziv proizvoda,
- proizvođačeva identifikacijska oznaka građevinskog proizvoda,
- obavijest o svojstvima/karakteristikama proizvoda.

➤ **Da li su tehnička uputstva priložena uz svaki građevinski proizvod?**

Tehnička uputstva moraju slijediti svaki građevinski proizvod koji se isporučuje odnosno svako pojedinačno pakovanje. Sve informacije na proizvodu — pakovanju i u uputstvu moraju biti napisane na jednom od jezika koji su u službenoj upotrebi u Bosni i Hercegovini. Tehnička uputstva moraju sadržavati podatke značajne za transport i upotrebu proizvoda. Uz pisani tekst tehnička uputstva radi lakšeg razumijevanja mogu sadržavati nacрте i ilustracije.

➤ **Da li proizvod ima vidljivih nedostataka (neusklađenosti)?**

Prilikom kupovine možete provjeriti da li postoje fizička oštećenja proizvoda, da li su proizvodi skladišteni prema uputama proizvođača kao i da li su ispoštovane posebne napomene ili ograničenja koje je eventualno naveo proizvođač.



Ukoliko potrošači primijete da elementi za zidanje od gline koje su kupili imaju nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

SAVJETI PRILIKOM KUPOVINE

Proizvođači, ovlaštteni zastupnici i uvoznici koji na tržište Bosne i Hercegovine stavljaju keramičke pločice, moraju osigurati da uz proizvode budu priloženi dokumenti o usklađenosti, da proizvodi budu propisno označeni i da uz proizvode budu priložena tehnička uputstva. Prilikom kupovine ovih proizvoda savjetujemo potrošače da obrate pažnju na sljedeće:

➤ **Da li su uz proizvod priloženi dokumenti o usklađenosti?**

Uz proizvod mora biti priložena izjava o usklađenosti.

➤ **Da li su proizvodi propisno označeni?**

Keramičke pločice moraju biti označene oznakom usklađenosti koja sadrži sljedeće:

- znak „E“ u Federaciji Bosne i Hercegovine i bez oznake ili znak „CE“ u Republici Srpskoj,
- ime proizvođača,
- sjedište proizvođača,
- zadnja dva broja godine u kojoj je oznaka stavljena na proizvod,
- evidencijski broj ovlaštenog pravnog lica/tijela za ocjenu usklađenosti (samo ako je učestvovalo u postupku ocjenjivanja usklađenosti),
- oznaka standarda BAS EN 14411:2017,
- naziv proizvoda,
- proizvođačeva identifikacijska oznaka građevinskog proizvoda,
- obavijest o svojstvima/karakteristikama proizvoda.

➤ **Da li su tehnička uputstva priložena uz svaki građevinski proizvod?**

Tehnička uputstva moraju slijediti svaki građevinski proizvod koji se isporučuje odnosno svako pojedinačno pakovanje. Tehnička uputstva moraju sadržavati podatke značajne za transport i upotrebu proizvoda. Uz pisani tekst tehnička uputstva radi lakšeg razumijevanja mogu sadržavati nacрте i ilustracije. Sve informacije u tehničkom uputstvu moraju biti napisane na jednom od službenih jezika u Bosni i Hercegovini. Tehnička uputstva moraju sadržavati prepis izjave o usklađenosti. Proizvođač, ovlaštteni zastupnik odnosno uvoznik građevinskog proizvoda je dužan da prije stavljanja građevinskog proizvoda na tržište osigura izjavu o usklađenosti.



➤ **Da li proizvod ima vidljivih nedostataka (neusklađenosti)?**

Prilikom kupovine možete provjeriti da li postoje fizička oštećenja proizvoda, da li su proizvodi propisno označeni, da li su uz proizvod priloženi dokumenti o usklađenosti i tehnička uputstva kao i da li su ispoštovane posebne napomene ili ograničenja koje je eventualno naveo proizvođač.

Keramičke pločice su pločice napravljene od gline i/ili drugih neorganskih materijala. Primjenjuju se za unutrašnje i vanjsko oblaganje zidova i podova. Pločice se uobičajeno proizvode ekstrudiranjem (istiskivanjem) ili suhim presovanjem na sobnoj temperaturi, zatim sušenjem pa pečenjem u pećima na temperaturi od 1050 - 1200° C, ali mogu biti proizvedene i na druge načine.

Ukoliko potrošači primijete da keramičke pločice koje su kupili imaju nedostatke i neusklađenosti u odnosu na gore navedene informacije, treba da se obrate Agenciji za nadzor nad tržištem Bosne i Hercegovine.

OBRAZAC ZA PRIGOVOR POTROŠAČA

Ukoliko ste kupili neprehrambeni potrošački proizvod i imate prigovor na njegove sigurnosne karakteristike, možete kontaktirati Agenciju za nadzor nad tržištem, telefonskim ili elektronskim putem pomoću Obrasca za prigovor potrošača.

UPUTSTVO ZA POPUNJAVANJE OBRASCA

1. Po mogućnosti popuniti sve tražene lične podatke. Ostavljena je mogućnost podnošenja anonimne prijave, pri čemu se moraju popuniti samo polja označena sa * (obavezna polja).
2. Navesti sve raspoložive podatke neophodne za identifikaciju proizvoda, i to: naziv proizvoda i proizvođača, trgovačka marka, tip/model, serijski broj, zemlja porijekla, godina proizvodnje, ovlašteni uvoznik, distributer ili zastupnik.
3. Navesti opasnosti/rizike i posljedice po zdravlje koje je izazvao proizvod, npr. posjekotine, ogrebotine, strujni udar, alergijska reakcija, gušenje i druge povrede.
4. Navesti podatke o prodajnom mjestu gdje je proizvod kupljen.

1. Podaci o podnosiocu prigovora
Ime i prezime

2. Ulica i broj

3. Mjesto stanovanja *

4. Entitet / Brčko Distrikt BiH *

5. Kanton *

6. Telefon / Faks

7. E-mail

8. Podaci o proizvodu
Naziv proizvoda (npr. tip ili model, serijski broj) *

9. Sadržaj prigovora
Opis rizika / opasnosti i posljedica po zdravlje koji su nastali usljed korištenja proizvoda *

10. Naziv prodajnog mjesta *

11. Adresa prodajnog mjesta *

12. Entitet / Brčko Distrikt BiH *


13. Datum podnošenja prigovora

Submit

REZULTATI NADZORA NAD TRŽIŠTEM U 2023. GODINI

Tokom aktivnosti proaktivnog nadzora nad tržištem realizovano je 238 inspeksijskih kontrola, u okviru kojih je administrativno, vizuelno i laboratorijski kontrolisano 197 različitih modela proizvoda (182 modela proizvoda su ispitana u laboratorijama) od čega 107 modela (54,3 %) nije ispunjavalo propisane sigurnosne zahtjeve. Kao rezultat navedenih aktivnosti, sa tržišta je povučeno 8.828 komada proizvoda. Poslovni subjekti su, dobrovoljno ili po nalogu inspeksijskih organa, uskladili 28.503 komada proizvoda sa propisanim sigurnosnim zahtjevima.

Agencija je u 2023. godini pokrenula 19 predmeta reaktivnog nadzora nad tržištem. Od ukupnog broja pokrenutih predmeta reaktivnog nadzora, u 13 predmeta je utvrđeno da se neusklađeni predmetni proizvodi nalaze na tržištu Bosne i Hercegovine. Kao rezultat ovih aktivnosti, sa tržišta su povučena 374 komada nesigurnih proizvoda.




- Ukupan broj neusklađenih proizvoda
- Broj proizvoda kod kojih su otklonjene neusklađenosti
- Broj proizvoda povučenih sa tržišta i vraćenih od potrošača

Grupa proizvoda	Ukupan broj neusklađenih proizvoda	Broj proizvoda kod kojih su otklonjene neusklađenosti	Broj proizvoda povučenih sa tržišta
Roštilji na čvrsta goriva	339	0	339
Igračke (pištolji sa mecima)	1873	1160	713
Bazeni za djecu (dubine ≤ 400 mm)	652	646	6
Bicikli za djecu	55	30	25
Skejtboardi	559	0	559
Koturaljke (roleri)	1046	1039	7
Igračke (ftalati)	333	0	333
PROAKTIVNI NADZOR			
Zatvorene ekspanzione posude sa membranom	2	2	0
Produžni kablovi	615	0	615
Električne tave i pekači	271	271	0
Električne pegle	34	16	18
Ventilatorske grijalice	939	939	0
Električni rešoi	9	0	9
Svjetlosni lanci	5498	0	5498
Ručni električni trimeri za travu	321	321	0
Ručne električne kružne pile	12	12	0
Reflektujući prsluci	92	63	29
Zaštitne rukavice za mehaničke rizike	18970	18402	568
Elementi za zidanje od gline	2971	2971	0
Keramičke pločice	2740	2631	109
REAKTIVNI NADZOR	374	0	374
UKUPNO	37705	28503	9202


REZULTATI NADZORA NAD TRŽIŠTEM U 2023. GODINI

GRUPE PROIZVODA SA OZBILJNIM RIZIKOM ZA POTROŠAČE

Kao rezultat provođenja proaktivnog i reaktivnog nadzora nad tržištem u 2023. godini, na tržištu Bosne i Hercegovine je pronađeno 50 modela nesigurnih proizvoda koji su predstavljali ozbiljan rizik za potrošače:



VRSTE RIZIKA



PORIJEKLO PROIZVODA SA OZBILJNIM RIZIKOM



PROIZVODI SA OZBILJNIM RIZIKOM ZA POTROŠAČE

U nastavku je dat pregled proizvoda koji predstavljaju ozbiljan rizik za potrošače, a koji su bili predmet nadzora u 2023. godini.

Skejtboard Bar kod: 3873508435813 predstavlja rizik od povrede jer zahtjevi vezani za konstrukciju skejtboarda nisu ispunjeni, osovina i elementi za osiguranje su projektovani izvan daske skejtboarda. Zemlja porijekla: Kina



Skejtboard Skateboard V predstavlja rizik od povrede jer daska skejtboarda nema dovoljnu izdržljivost i gornja površina daske nije izrađena kao protuklizna površina. Zemlja porijekla: Kina



Skejtboard 17W28-289 predstavlja rizik od povrede jer daska skejtboarda nema dovoljnu izdržljivost i gornja površina daske nije izrađena kao protuklizna površina. Zemlja porijekla: Kina



Skejtboard Marvel Mesuca Creation predstavlja rizik od povrede jer daska skejtboarda nema dovoljnu izdržljivost i gornja površina daske nije izrađena kao protuklizna površina. Zemlja porijekla: Kina



Skejtboard SHN-102 predstavlja rizik od povrede jer daska skejtboarda nema dovoljnu izdržljivost. Zemlja porijekla: Kina



Skejtboard Troty skejt Urban predstavlja rizik od povrede jer daska skejtboarda nema dovoljnu izdržljivost. Zemlja porijekla: Kina



Pogoni za cestovna bicikla Shimano ULTEGRA FC-6800, DURA-ACE FC-9000, ULTEGRA FC-R8000, DURA-ACE FC-R9100 i FC-R9100-P 11-brzinski HOLLOWTECH II predstavljaju rizik od povreda jer bi se spojeni dijelovi poluge mogli odvojiti i slomiti. Zemlja porijekla: Japan



PROIZVODI SA OZBILJNIM RIZIKOM ZA POTROŠAČE

Bicikl za djecu John Speed unisex 16 asst predstavlja rizik od povrede jer držači na upravljačima, sjedište bicikla i zaštita na lancu ne ispunjavaju propisane zahtjeve.
Zemlja porijekla: Kina



Bicikl za djecu 12" Forever predstavlja rizik od povrede jer držači na upravljačima i zaštita na lancu ne ispunjavaju zahtjeve propisane u standardu.
Zemlja porijekla: Kina



Bicikl za djecu 16" ROBI D003-16 predstavlja rizik od povrede jer sjedište bicikla i držači na upravljačima ne ispunjavaju zahtjeve propisane u standardu.
Zemlja porijekla: Kina



Bicikl za djecu 12" DK-3 SPORT MEI JIA HUA predstavlja rizik od povrede jer razmak između pedale i prednjeg blatobrana ne ispunjava zahtjeve propisane u standardu i zaštita na lancu nije u skladu sa propisanim zahtjevima
Zemlja porijekla: Kina



Bicikl za djecu 12" Bad Boy Salcano predstavlja rizik od povrede jer nije opremljen s najmanje dva nezavisna aktivna kočiona sistema i držači na upravljačima ne ispunjavaju zahtjeve propisane u standardu.
Zemlja porijekla: Kina



Bicikl za djecu Sport BMX R-609-1 predstavlja rizik od povrede jer držači na upravljačima, sjedište bicikla i zaštita na lancu ne ispunjavaju propisane zahtjeve.
Zemlja porijekla: Kina



PROIZVODI SA OZBILJNIM RIZIKOM ZA POTROŠAČE

Bicikl za djecu 14" AOMMAT predstavlja rizik od povrede jer držači na upravljačima i zaštita za lanac ne ispunjavaju propisane zahtjeve.
Zemlja porijekla: Kina



Reflektujući prsluk Autoln Excalibur@ 9073-2 predstavlja rizik od povreda jer nema dovoljan faktor luminiscencije i koeficijent retrorefleksije.
Zemlja porijekla: Kina



Reflektujući prsluk 5673 predstavlja rizik od povreda jer nema dovoljan koeficijent retrorefleksije.
Zemlja porijekla: Kina



Reflektujući prsluk za auto predstavlja rizik od povreda jer nema dovoljan koeficijent retrorefleksije.
Zemlja porijekla: Kina




Reflektujući prsluk Auto practic HYS001-Y predstavlja rizik od povreda jer nema dovoljan faktor luminiscencije i koeficijent retrorefleksije.
Zemlja porijekla: Kina



Igračka pištolj s mecima POLICE SUPER SHOOTER
Zemlja porijekla: Kina



Igračka pištolj s mecima Shoot Super Weapon L56564
Zemlja porijekla: Kina



Igračka pištolj s mecima Special Police Force BL.LX01024, L57009
Zemlja porijekla: Kina



Igračke, pištolji s mecima, predstavljaju rizik od gušenja jer se vakuumske kapice mogu odvojiti od metaka. Ukoliko dijete stavi metak u usta, vakuumska kapica se može odvojiti i blokirati disajne puteve.

PROIZVODI SA OZBILJNIM RIZIKOM ZA POTROŠAČE

Igračka pištolj s mecima DESERT EAGLE predstavlja rizik od gušenja jer dužina projektila s vakumskom kapicom s vodećim dijelom, kojeg dijete tokom igre može staviti u usta, ne ispunjava propisane zahtjeve. Zemlja porijekla: Kina



Plišane igračke Vesele životinje a5102t1 21 cm predstavljaju rizik od gušenja jer je vlaknasti materijal za punjenje lako dostupan zbog slabih šavova. Zemlja porijekla: Kina



Košulja za bebe s rukavima ZARA 6048/551/400 predstavlja rizik od gušenja jer dugmad mogu slučajno otpasti. Zemlja porijekla: Turska



Konjić na napuhavanje NO. 110-4 predstavlja hemijski rizik jer sadrži di (2 etilheksil) ftalat (DEHP) u količini većoj od dozvoljene. Zemlja porijekla: Kina



Narukvica s perlama i kopčom H&M 1163609 predstavlja hemijski rizik zbog povećane koncentracije olova. Zemlja porijekla: Italija



Igračka gumena patka DJ-10369 predstavlja hemijski rizik jer sadrži di (2 etilheksil) ftalat (DEHP) u količini većoj od dozvoljene. Zemlja porijekla: Kina



Kornjača za kupanje Infantino predstavlja hemijski rizik jer sadrži di-isononil ftalat (DINP) u količini većoj od dozvoljene. Zemlja porijekla: Kina



PROIZVODI SA OZBILJNIM RIZIKOM ZA POTROŠAČE

Dječija igračka lutka Frozen TY-5453 predstavlja hemijski rizik jer sadrži di (2 etilheksil) ftalat (DEHP) i benzil butil ftalat (BBP) u količinama većim od dozvoljene.
Zemlja porijekla: Kina



Dječija igračka lutka Fashion beautiful girl No.881 predstavlja hemijski rizik jer sadrži di (2 etilheksil) ftalat (DEHP) i benzil butil ftalat (BBP) u količinama većim od dozvoljene.
Zemlja porijekla: Kina



Dječija igračka lutka Defa Lucy - Lucys weekend predstavlja hemijski rizik jer sadrži di - isononil ftalat (DINP) u količini većoj od dozvoljene.
Zemlja porijekla: Kina



Dječija igračka lutka Beautiful Lovely Girl predstavlja hemijski rizik jer sadrži dibutil ftalat (DBP) i di-isononil ftalat (DINP) u količinama većim od dozvoljene.
Zemlja porijekla: Kina

Igračka lutka s konjićem Defa Dream Park 8410 predstavlja hemijski rizik jer sadrži di - isononil ftalat (DINP) u količini većoj od dozvoljene.
Zemlja porijekla: Kina



PROIZVODI SA OZBILJNIM RIZIKOM ZA POTROŠAČE

Baby monitor Philips Avent, SCD620, SCD625, SCD630, SCD831, SCD833, SCD835, SCD841, SCD843 i SCD845 predstavlja rizik od požara i opekotina jer postoji mogućnost da se baterija u roditeljskoj jedinici pregrije dok je spojena na strujnu utičnicu.
Zemlja porijekla: Kina



Pegla na paru Zilan ZLN8427/GY predstavlja rizik od požara jer izolacija napojnog kabla nije adekvatna, a poprečni presjek provodnika je manji od minimalno dozvoljenog.
Zemlja porijekla: Kina



Električni rešo Hot Plate JX-2020A predstavlja rizik od požara i strujnog udara jer nema funkcionalno zaštitno uzemljenje i adekvatnu konstrukciju.
Zemlja porijekla: Kina



Produžni kabl ROMEL RL42650SG-A predstavlja rizik od požara i strujnog udara jer se uređaj može rastaviti alatom opće namjene, utičnice na proizvodu nemaju zatvarače i površina poprečnog presjeka provodnika u savitljivom kablju je manja od minimalno dozvoljene.
Zemlja porijekla: Kina



Produžni kabl ROA19RTX050-2 predstavlja rizik od požara i strujnog udara jer nema adekvatnu zaštitu od dijelova pod naponom, može se rastaviti alatom opće namjene, utičnice na proizvodu nemaju zatvarače i površina poprečnog presjeka provodnika u savitljivom kablju je manja od minimalno dozvoljene.
Zemlja porijekla: Kina



Produžni kabl MGP332 predstavlja rizik od strujnog udara jer se može rastaviti alatom opće namjene i utičnice na proizvodu nemaju zatvarače.
Zemlja porijekla: Kina



Produžni kabl DSDM0728006 predstavlja rizik od strujnog udara jer se može rastaviti alatom opće namjene i ima sredstvo za pričvršćenje na zid koje omogućava pristup dijelovima pod naponom.
Zemlja porijekla: Kina



Svjetlosni lanac Multi function predstavlja rizik od strujnog udara i požara jer dužina napojnog kabla između utikača i prve svjetiljke je manja od propisane.
Zemlja porijekla: Kina



Svjetlosni lanac Yilbasi Isigi predstavlja rizik od strujnog udara i požara jer je dužina napojnog kabla manja od minimalno dozvoljene i napojni kabl ne ispunjava zahtjeve električne izdržljivost.
Zemlja porijekla: Turska



PROIZVODI SA OZBILJNIM RIZIKOM ZA POTROŠAČE

Svjetlosni lanac Light Christmas 200 LED predstavlja rizik od strujnog udara i požara jer je dužina napojnog kabla manja od minimalno dozvoljene i napojni kabl ne ispunjava zahtjeve električne izdržljivosti.
Zemlja porijekla: Kina



Svjetlosni lanac 100 L Rice Light predstavlja rizik od strujnog udara i požara jer je dužina napojnog kabla manja od minimalno dozvoljene i napojni kabl ne ispunjava zahtjeve električne izdržljivosti.
Zemlja porijekla: Kina



Svjetlosni lanac Christmas Time MI1418 predstavlja rizik od strujnog udara i požara jer napojni kabl ne ispunjava zahtjeve električne izdržljivosti.
Zemlja porijekla: Kina



Svjetlosni lanac LED Rope Light, 10 m predstavlja rizik od strujnog udara i požara jer je dužina napojnog kabla manja od minimalno dozvoljene i napojni kabl ne ispunjava zahtjeve električne izdržljivosti.
Zemlja porijekla: Kina



Svjetlosni lanac LED Decorative Lights predstavlja rizik od strujnog udara i požara jer je dužina napojnog kabla manja od minimalno dozvoljene i napojni kabl ne ispunjava zahtjeve električne izdržljivosti.
Zemlja porijekla: Kina




Svjetlosni lanac Winter Wonderland 100L predstavlja rizik od strujnog udara i požara jer je dužina napojnog kabla manja od minimalno dozvoljene i napojni kabl ne ispunjava zahtjeve električne izdržljivosti.
Zemlja porijekla: Kina



Svjetlosni lanac VENEER FASTENER CURTAIN LAMP YRT-3-12-0.3S predstavlja rizik od strujnog udara i požara jer napojni kabl ne ispunjava zahtjeve električne izdržljivosti i dužina napojnog kabla ne ispunjava propisane zahtjeve.
Zemlja porijekla: Kina



Svjetlosni lanac LED Icicle Light predstavlja rizik od strujnog udara i požara jer je dužina napojnog kabla manja od minimalno dozvoljene i napojni kabl ne ispunjava zahtjeve električne izdržljivosti.
Zemlja porijekla: Kina





Agencija za nadzor nad tržištem Bosne i Hercegovine

Adresa: Trg Ilidžanske brigade 2b, 71124 Istočno Sarajevo

Tel.: +387 (0)57 340 718

Faks: +387 (0)57 343 502

E-mail: msa.info@annt.gov.ba

www.annt.gov.ba

www.facebook.com/ANNTBIH

www.twitter.com/ANNTBIH

ISSN 2303-5439



9 772303 543904